

玉機微義卷之三十四

頭痛門

論厥頭痛真頭痛

靈樞云厥頭痛取足六經。手少陰真頭痛。頭痛其腦盡痛。手足寒至節死不治。詳見厥病篇。

難經云三陽之脉受風寒伏留而不去。則名厥頭痛。入連在腦者。名真頭痛。

按靈樞有厥頭痛之名而不指何邪為病。至難經始言風寒伏留不去而三因嚴氏論云氣血俱虛風寒暑濕之氣所侵傳於陽經伏留不去名曰厥頭痛。蓋厥者逆也。逆壅而衝於頭也。痛引腦顛陷至泥丸宮者名真頭痛。非藥之能愈。必發

非此痛也
外感風寒
內傷飲食
皆能致之

旦死日發夕死則根氣先絕也斯言得之矣

頭痛脉法

內經云寸口脉中短者曰頭痛

脉經云陽弦則頭痛又云寸口脉浮中風發熱頭痛

脉緊頭痛是傷寒脉緊上寸口者風頭痛

脉訣云頭痛短澁應瀆死浮滑風痰皆易除

傷寒頭痛

活人書云頭痛者陽證也太陽證頭痛發熱惡寒無汗麻黃湯

有汗桂枝湯若已發汗未發汗頭痛如破者連翹葱白湯不止

者葛根葱白湯陽明證頭痛不惡寒反惡熱胃實也調胃承氣

湯少陽頭痛小柴胡湯太陰少陰並無頭痛之證仲景只有厥

陰一證吳茱萸湯

按傷寒以足三陽經上行至頭并厥陰與督脉會于巔或止

言四經頭痛若雜病所感者諸經皆能頭痛也活人用葱白

湯以通上下之陽氣也

諸經內外頭痛用藥法

太陽頭痛惡風寒川芎少陽頭痛往來寒熱脉弦柴胡

陽明頭痛自汗發熱惡熱白芷太陰頭痛體重痰音腹痛半

夏少陰頭痛二陰三陽經不流行而是寒逆為寒厥頭痛細

辛厥陰頭痛項痛脉微浮緩欲入太陽其疾痊然亦當用川

芎齊鑑作薑朮不吳茱萸氣虛頭痛黃芪齊鑑血虛頭痛當歸齊鑑

作川芎下同諸氣血俱虛頭痛黃芪當歸傷寒太陽頭痛麻黃

湯桂枝湯。陽明頭痛。白虎湯。少陽頭痛。柴胡湯。太陰頭
痛。脈浮。桂枝湯。脈沉。理中湯。少陰頭痛。脈沉微。麻黃附子
細辛湯。厥陰頭痛。外傷本經。桂枝麻黃各半湯。
嘔而微吐水。吳茱萸湯。

按此與後論重出者。然中間藥味更有不同。故兩存之。

東垣頭痛論

金匱真言論云。東風生於春。病在肝。俞在頭項。故春氣者。病在
頭。又諸陽會於頭面。如是太陽之脈。病衝頭痛。少陰之脈。病
頭角頷痛。大風從上受之。風寒傷上。邪從外入。客於經絡。令人
振寒。頭痛。身重。惡寒。治在風池。風府。調其陰陽。不足則補。有餘
則瀉。汗之則愈。此傷寒頭痛也。頭痛耳鳴。九竅不利者。陽胃之

所生。乃氣虛頭痛也。心煩頭痛者。病在膈中。過在少陽。少陰。
乃濕熱頭痛也。如氣上不下。頭痛。顛疾者。下虛上實也。過在足
少陰。巨陽。甚則入腎。寒濕頭痛也。如頭半寒痛者。先取手少陽
陽明。後取足少陽。陽明。此偏頭痛也。有真頭痛。甚則腦盡痛。手
足寒至節者。死不治。有厥逆頭痛者。所犯大寒。內至骨髓。髓者
以腦為主。腦逆。故令頭痛。齒亦痛。凡頭痛者。木也。風則溫也。治
以辛涼。秋剋春之音。故頭痛。皆以風藥治之者。總其大體而言
之。高巔之上。惟風可到。故味之薄者。陰中之陽。乃自地升天者
也。然有三陰三陽之異。故太陽頭痛。脈浮緊。惡風寒。川芎羌活
獨活。麻黃之類為主。少陽經頭痛。脈弦細。往來寒熱。柴胡為主。
陽明頭痛。身熱。自汗。鼻乾。惡寒。發熱。惡熱。其脈浮緩而長。升麻

湯或石膏白芷為主。大陰頭痛必有痰體重或腹痛為痰癥。其
脉沉緩。蒼朮半夏南星為主。少陰經頭痛。三陰三陽經不流行
而足寒氣逆為寒厥。其脉沉細。麻黃附子細辛湯為主。厥陰頭
痛項痛。或痰吐涎沫厥冷。其脉浮緩。吳茱萸湯主之。諸血虛頭
痛。當歸川芎為主。諸氣虛頭痛。人參黃芪為主。為善者。主治也。
兼見何證。以佐使藥治之。此立方之大法也。氣血俱虛頭痛者。
於調中益氣湯中。少加川芎蔓荊子細辛。其效如神。半夏白朮
天麻湯。治痰厥頭痛藥也。青空膏。乃風濕熱頭痛藥也。羌活附
子湯。厥逆頭痛藥也。如濕氣在頭者。以苦吐之。不可執方而治。
按此論頭痛。至為詳悉。首言傷寒內傷頭痛。歷引內經。以明濕
熱寒濕偏頭痛。真頭痛。厥逆頭痛等證。細分六經用藥之法。

後世無以加矣

論三陽受病頭痛

子和云頭痛不止。乃三陽受病也。三陽分部分。頭與項痛者。三
太陽經也。攢竹痛。俗呼為眉虎骨痛者。是也。額用上痛。俗呼為
偏頭痛者。是少陰經也。如痛久不已。則令人喪目。以三陽受病。
皆胸膈有宿疾之致然也。先以茶調散吐之。吐訖可服川芎薄
荷辛涼清上之藥。叔和云寸脉急而頭痛是也。

按此云頭痛乃三陽受病。皆胸膈有痰之致。乃指病之確證。
於上而言也。內經云春氣者病在頭。蓋天氣在上。知病氣亦
升於上也。吐之所以宣達在上之邪。仲景云大法春宜吐。是
也。此亦治頭痛之一法。但不可專執於此。

論頭痛屬火熱之病

子和云丹陽僧病頭熱痛不散見明以布圍其顛上置冰於其中日易數次戴人曰此三陽畜熱故也乃置炭火於暖室中出汗涌吐三法併行七日而愈

一婦人偏頭痛五七年大便結燥兩目赤腫眩暈世之頭風藥無不服其頭上針艾數千百矣一日戴人診其脉急數而有力風熱之甚也此頭角痛是三焦相火之經乃陽明燥金勝也燥金勝乘肝則肝氣鬱肝氣鬱則氣血壅氣血壅則上下不通故燥結於裏尋至失明治以大承氣湯令河水煎二兩加芒硝一兩煎成頓令分三五服下泄如湯二十餘行次服七宣并神功丸以潤之菠稜葵菜猪羊血以滑之二劑之外目豁首輕燥澤

結釋而愈

按此所治之疾既已多年不解豈非風濕熱三氣鬱滯膠固而然哉故其所施之法雖峻而於中病之情則得也又論頭風之甚者又則目昏偏頭風者少陽相火也又則目束小大便秘澁皆宜出血而大下之出血之義是即開鬱解表也謹按頭痛之證其原甚多東垣之論可謂詳矣然自外而致者有風寒暑濕之異若仲景之傷寒東垣分六經之類皆是也自內而致者有氣血痰飲五臟氣鬱之異東垣論氣虛血虛痰飲頭痛之類皆是也夫抵四淫皆外邪隨其風寒濕熱多少而治於外也氣血痰飲五臟之證皆內邪亦宜隨其氣氣痰飲七情內火分虛實寒熱而調其內以治於外也然氣

血虛而用補宜東垣之論若三因等方用附子以治氣虛此則從陽虛立意非人身平和之血氣也若夫久年偏正頭風者多因內挾痰涎風火鬱遏經絡氣血壅滯之證然亦有血虛者須宜分別以治之

頭痛門

治風之劑

局方川芎茶調散治諸風上攻偏正頭疼

方見傷風門

秘藏徹清膏

川芎

薄荷葉各三分 藁本 一錢

甘草 生半錢

炙甘草 半錢

蔓荊子

細辛 各分

右為末每二錢茶清下食後

按此手足少陽厥陰太陽少陰經藥也

元戎治三陽頭痛

羌活

防風

荊芥

升麻

葛根

白芷

石膏

柴胡

川芎

芍藥

細辛

葱白連鬚

若陰證頭痛只用溫中藥足矣如理中姜附輩此則專治三陽頭痛也

治風寒之劑

仲景麻黃湯治太陽傷寒頭痛無汗

桂枝湯治太陽傷風頭痛有汗

二方並見傷寒門

局方如聖餅子治風寒伏留陽經氣厥痰飲頭痛

防風

天麻

各半兩

南星

乾姜

川芎

甘草

炙各兩

半夏

洗

川烏

去皮兩

右細末蒸餅糊丸捻作餅子每五餅同煎芥穗細嚼茶清下按此是三陽經藥也

秘藏羌活附子湯治冬月大寒犯腦令人腦痛齒亦痛名曰腦風

麻黃 不去節 黑附子

防風

白芷

白僵蚕

黃柏

各二分

羌活

蒼朮

各半錢

升麻 二分

黃芪 一分

甘草 二分

佛耳草 三分無寒嗽去

右咬咀水煎服

按此手足太陽陽明太陰經藥也

寶鑑川芎神功散治風熱上攻偏正頭痛

川芎

川烏

白芷

南星

麻黃 各兩 甘草一分

右為末每服三錢姜水煎服

按此手足少陽厥陰手陽明太陰經藥也

三因言辛湯治傷風寒生冷及氣虛疲厥頭疼如破兼眩暈嘔吐

附子 去皮臍生 烏頭 生

天南星 乾姜

甘草炙 川芎

細辛 各等分

右劉散每四錢姜五片茶芽少許煎服

按此足少陽經藥也

嚴氏小芎辛湯治風寒在腦或感邪濕頭重頭疼眩暈嘔吐

川芎 兩

細辛

白朮

甘草炙各半錢

右咬咀每四錢生姜五片茶芽少許煎服

局方加減三五七散治風寒入腦陽虛頭痛

山茱萸 去核三斤

細辛 一斤半

乾姜 炮二斤

防風 四斤

附子 三五隻炮去皮臍

茯苓 去皮三斤

右為末每二錢溫酒調下

按已上二方亦是少陰經藥也

治風熱之劑

秘藏青空膏治偏頭疼年深不愈者及瘡風濕熱頭痛上壅損

目

羌活

防風 各兩

柴胡 七錢

川芎 五錢

甘草炙兩半

黃連 炒兩

細梃子黃芩

三兩 一酒洗 一炒

右為末每服二錢匕熱茶調如膏抄在口內少用白湯送下
如苦頭痛加細辛二分如太陰脉緩有痰減去羌活防風川
芎甘草加半夏一兩半如偏頭痛服之不愈減羌活防風川
芎一半加柴胡一倍如陽明頭痛只與白虎湯中加白芷
按此是三陽經藥也
川芎散治頭目不清利

川芎 三分 羌活

防風

藁朮

升麻

甘草 各錢

柴胡 七分

黃芩 炒四錢半

黃連

四錢半酒洗

生地黄 二錢

右為末每服一二錢茶清調下
按此亦三陽經藥也

細辛散治偏正頭疼

細辛 二分

川芎 七分

柴胡 二錢

黃芩 二錢半酒洗半炒

尾粉 二錢

炙甘草 一錢半

黃連 七分

芍藥 半錢

右吹咀每服三錢煎服

按此少陽少陰太陰經藥也

寶鑑石膏散治頭疼

川芎

石膏

白芷 等分

右為末每服四錢熱茶清調下

按此陽明少陽經藥也已上東垣治風熱頭痛諸方多不同
者以其有臟腑經絡之異也今不詳載其方然有用羌活防
風川芎柴胡升麻藁朮細辛之異者行各經也有用黃芩黃

連黃柏知母石膏生地黃之異者分各臈瀉火也用澤瀉茯苓者導濕也又使邪氣自天而降也用黃芪者補氣行氣也各隨病而增損之意不可拘執也

治濕之劑

三因芎朮湯治濕者頭重眩暈痛極

川芎

白朮

附子

生去皮尖各半兩

桂心

甘草

各一分

右咬咀每服四錢姜七片棗一枚同煎食前服

按此是少陰經藥也治寒濕之藥有熱者不治

痰厥頭痛之劑

秘藏半夏白朮天麻湯治素有脾胃之證時顯煩燥大便不利

又出入為寒氣所鬱亂大作火鬱不伸故也醫疑有熱服疎風丸下之元澄不減復漆嘔逆食不能停痰唾稠粘湧出不止眼澁頭旋惡心煩悶氣短促上喘無氣力自不敢開如在風雲中頭苦痛如裂身重如山四肢厥冷是胃氣已損復下兩次重虛脾胃病名曰痰厥頭痛

半夏 一錢半

白朮

炒麩

各錢

天麻

黃芪

人參

蒼朮

陳皮

澤瀉

茯苓

各半錢

大麥麩

一錢半

乾姜 三分

黃柏

二分

此頭痛苦甚為足太陰痰厥頭痛非半夏不能療目黑頭旋風虛內作非天麻不能除 詳見試效方

家珍水者金花丸治頭痛發時兩頰青黃眩暈目不欲開懶
欲言語身重兀兀欲吐數日方過此厥陰太陰合而為病名
曰風痰服此藥更灸俠脊二穴不旬日愈

局方玉壺丸加雄黃白朮以治風濕

按此出太陰嘔噦例治風痰之藥也

嚴氏三生丸治痰厥頭痛

半夏 白附子 南星 各二分

右為細末生姜自然汁浸蒸餅為丸黍豆大每服四十九食
後姜湯下

按此藥出厥陰南星半夏例亦治風痰之藥也

寶鑑茯苓半夏湯治風熱痰逆嘔吐頭痛

大半夏 一枚 茯苓 一分 黃芩 甘草

陳皮 各二分

右剉姜三片煎

按此手足太陰經藥治痰挾熱之藥也其治痰挾寒之藥與
治風寒之劑相類者采之

補氣之劑

寶鑑順氣和中湯治年高氣弱清氣不能上升頭面昏悶本無
表邪因發汗數四清陽之氣愈虛故苦頭痛惡風不喜飲食
氣短脈弱弦細而微宜升陽氣

黃芪 一錢半 人參 一錢 白朮 陳皮

當歸 白芍 各 甘草 七分 升麻

柴胡各三分 川芎

細辛

蔓荊子各二分

右剉作一服水煎食後服

按此即補中益氣湯加減法也內傷頭痛本方加蔓荊子三分痛甚加川芎二分項痛腦痛加藁本二分若苦頭痛者加細辛二分諸頭痛併用此四味足矣若頭上有熱則以不能治當以清空之劑

補血之劑

機要四物湯治頭疼

四物湯中倍川芎

元戎古方治頭痛欲裂

當歸 二兩酒升者散六合

按此二方並出厥陰例藥也

搗藥

本事方治八般頭風

草烏尖 細辛 等分

黃丹少許為末搗入鼻中立効

秘方治頭痛不可忍

玄胡 七枚 猪牙皂角 肥實者 齧

青黛 二錢

右為末水丸成小餅子如杏仁大用時令病者仰卧以水化開用竹管送入男左女右鼻中覺藥至喉少酸令病者坐却令咬之銅錢一箇於當門齒當見涎出成益即愈

三因搗鼻藥

葷撥

良姜各分

白芷一錢

細辛半錢

右為末每服一小字先含水一口分搗鼻內吐水即止
秘藏搗鼻鬱金散治風熱頭痛

石膏

芒硝

白芷各錢

鬱金一錢

薄荷三分

右為末極細口含水鼻內搗之

按此陽明經藥也

太陽經嚏藥

防風二分

羌活二分

紅豆二箇

右為末鼻內搗之

元戎搗藥瓜蒂散治偏頭痛久不愈服藥及針灸不効者以其濕

氣在頭也

瓜蒂一味為末少許吹鼻中清水徐徐出一晝夜濕盡病
止為度

按此已上搗藥元戎云亦吐之義也經云濕氣在上以苦吐
之故邪在胸中服之邪在頭目搗之皆吐之屬也張子和點
目出淚搗鼻流涕口含漉涎皆以同乎吐也

貼藥

前本事方或三因藥為末和葱白搗泥為膏貼兩額上

雜方

嚴氏葱附丸治元氣虛壅上攻頭痛

附子 薑炮去皮臍

右為末葱涎為丸桐子大空心茶清下

玉真丸治腎厥頭痛不可忍其脉舉之則弦按之則堅

生硫黃 二兩另研

石膏 硬者 半夏 湯洗七次

硝石 另研各一兩

右為末研勻用生姜自然汁煮糊為丸桐子大每服四十九
食前米飲下

按頭痛古人多從風而議治故其藥雖有辛平辛涼辛溫辛
熱之殊大抵皆於解散之中分所挾之寒熱耳至於傷寒頭
痛仙景論中亦詳茲不詳載但內因痰厥氣虛血虛頭痛之
類東垣雖有論有方學者亦宜隨病審機而用藥亦難拘於
所錄之方以盡其變也又嚴氏治氣虛頭痛用附子治腎厥頭

痛用硫黃等藥本出三因之論其義皆未切當今姑存之以
備其說耳

卷之三十四

玉機微義卷之三十五
頭眩明

論頭眩屬肝虛

內經云徇蒙招尤目瞑耳聾下實上虛過在足少陽厥陰甚則入肝。

按許學士云上虛者肝虛也。故肝虛則頭暈徇蒙者如以物蒙其首招搖不定目眩耳聾皆暈之狀也。故肝厥頭暈治宜鈎藤散。方見後。

論眩暈屬肝木風火之證

原病式曰諸風掉眩皆屬肝木。風主動故也。所謂風氣甚而頭目眩暈者由風木旺。必是金衰不能制木。木復生火。風皆屬。

陽陽三子動。兩動相搏。則為之旋轉。故火象動也。燭得風。則自然旋轉也。

論傷寒頭眩屬虛

成無已云。傷寒頭眩。責其虛也。起則頭眩。與眩者。皆發汗吐下後所致。是知陽虛也。故針經曰。上虛則眩。然風家亦多有眩者。風主動故爾。

論眩暈分內外所因等證

嚴用和云。眩暈之證。經雖云皆屬於肝。風上攻所致。然體虛之人。外感六淫。內傷七情。皆能眩暈。當以脉證別之。風則脉浮有汗。項強不仁。寒則脉緊無汗。筋攣掣痛。暑則脉虛煩悶。濕則脉細沉重。吐逆。及其七情所感。遂使臟氣不平。鬱而生涎。結而為

飲。隨氣上逆。令人眩暈。肩脊骨痛。眼不可開。寸脉多沉。此為異耳。若疲勞過度。下虛上實。金瘡吐血。便利。及婦人崩傷產後。去血過多。皆令人眩暈。當隨其所因而治之。

按此所分四氣痰飲。亡血等證。可謂親切。但其所集之方。則欠發明。學者當自求之。

論頭風眩暈有飲宜吐

子和云。大風頭風眩暈。手足麻痺。胃脘發痛。皆風寒濕三氣雜至。合而為痺也。在上謂之停飲。可用獨聖散吐之。吐訖後服清上辛涼之藥。

按此法施於胸膈痰涎閉塞多年眩暈不已。血氣充實之人。其效甚捷。

謹按眩暈一證人皆稱為上盛下虛所致而不明言其所以然之故蓋所謂虛者血與氣也所謂實者痰涎風火也原病之由有氣虛者乃清氣不能上升或汗多亡陽而致當升陽補氣有血虛者乃因亡血過多陽無所附而然當益陰補血此皆不足之證也有因痰涎鬱遏者宜開痰導滯重則吐下有因風火所動者宜清上降火若因外感而得者嚴氏雖分四氣之異皆當散邪為主此皆有餘之證也世有所謂氣不歸元而用丹藥鎮墜沉香降氣之法蓋香竄散氣丹藥助火其不歸之氣豈能因此而復耶內經所謂治病必求其本氣之不歸求其本而用藥則善矣

頭眩明

治風之劑

本草川芎散治風眩頭暈

山茱萸 一兩

山藥

甘菊花

人參

茯神

小川芎

各半兩

右為末每服二錢酒調下

按此名治風眩而用藥帶補肝之意若因風而頭眩者分其所挾寒熱而用辛溫辛涼之劑可也若因肝虛而病者此藥雖近理亦難執此而用

治風寒之劑

嚴氏三五七散治陽虛風寒入腦頭痛目眩耳鳴

天雄炮去皮 細辛各二兩 乾姜炮 山茱萸各五兩

防風 山藥炒各七兩

右為末每服二錢溫酒調下

按此治上焦陽虛發散風寒之藥也若果有風寒所傷而頭眩者但用辛溫辛熱之劑解散可也何必拘此

治濕之劑

嚴氏芎朮湯治冒雨中濕眩暈嘔逆頭重不食

芎朮 半夏 白朮各兩 甘草炙半兩

右以咀每服四錢姜七片煎

按此和中散濕之藥也亦可治痰

治熱之劑

子和芎黃湯治頭目眩暈

大黃 荆芥 貫芎 防風各等分

右為粗末大作劑料水煎去滓服以利為度

按此瀉上焦風熱之藥也若果有風熱頭眩如防風通聖之類皆可選擇而用

治痰之劑

嚴氏王液湯治七情感動氣鬱生涎隨氣上逆頭目眩暈心嘈

怔忡肩稜骨痛

大半夏 湯洗七次

右每服四錢水煎生姜十片煎入沉香水一呷溫服風痰眩暈者宜青州白丸子選用

直指二陳湯治因氣鬱痰眩暈

二陳加乾生薑煎服

按此二方去痰和中之平劑是太陰陽明經藥也若痰氣甚者如吐下之法皆可施自宜隨證而用

去痰和中瑞竹堂化痰丸亦妙 方見痰門

治血虛頭眩之劑

嚴氏芎藭湯治一切失血過多眩暈不甦

芎藭 當歸 酒浸各等分

右咬咀每服四錢水煎服

良方治風六合湯治風虛眩暈

四物湯加秦艽羌活 詳見中風門

按已上三方皆補血和血之藥並出厥陰例然芎藭補血之陽而四物則陰陽俱補秦艽羌活可為佐使不宜等分而用治氣虛頭眩之劑

直指香橘飲治氣虛眩暈

木香 白朮 半夏 橘皮

白茯苓 砂仁 各半兩 丁香 甘草 各二分

右剉每服三錢姜五片煎吞蘇合香丸本方加芎藭各三分官桂半兩治血虛眩暈

按直指方云淫慾過度腎家不能納氣歸元使諸氣逆奔而上此眩暈出於氣虛也吐衄崩漏肝家不能收攝榮氣使諸血失道妄行此眩暈生於血虛也夫既曰腎家不能納氣使

氣奔上而用此香散辛熱之藥此藥果能降氣也又曰氣虛此藥果能補氣乎又曰血虛加芎歸官桂夫血虛用芎歸則可矣所加官桂與丁香木香等藥縱使血有虛弱亦難例用若血虛有熱者其害將何如哉孟子所謂盡信書則不如無書者正此類也

治下虛頭眩之劑

局方黑錫丹治陰陽不升降上盛下虛頭目眩暈

養正丹治虛風頭旋吐涎不已此藥升降陰陽

二方並見局方以乳香泡湯送下

順氣散治體虛痰盛氣不順頭目眩暈

南星 一兩炮 川烏

附子各兩

木香 二錢半

右每服三錢姜半片煎

嚴氏沉香磁石丸治上盛下虛頭目眩暈耳鳴耳聾

沉香 半兩別研

磁石 煅醋淬

胡蘆巴 炒

川巴戟 志

陽起石 煨

附子炮

椒紅 炒

山茱萸肉

山藥 沙各兩

青鹽 別研

甘菊花

蔓荊子 各半兩

右為細末酒煮米糊丸梧子大每七十九空心鹽湯下

按已上諸方皆是溫熱金石鎮墜之藥雖能補下焦之陽虛

然金石體質雖重必候火煨而成佐以燥熱之藥多致飛越

之亢况眩暈多有屬風屬火之證用者宜致思焉

雜方

本事鈎藤散治肝厥頭暈清頭目

鈎藤

陳皮

半夏

麥門冬

茯苓

茯神

人參

甘菊花

防風各半兩

甘草一分

石膏二兩

右咬咀每四錢姜七片煎

按前許學士所論近是則此方用藥其義未詳

○謹按頭暈諸方用藥俱未切當直指香橘飲之說尤為背理大抵外邪之感理宜解表但隨其風寒暑濕以治痰涎內蓄者必當清痰為先氣虛者宜補氣如東垣之法血虛者宜補血如四物增損之類若腎虛而氣不降者又當益陰而補腎若專執前藥豈能中其肯綮耶

卷之三十五

玉機微義卷之三十六

欬逆門

敘欬逆為病

內經云歲金太過欬逆金鬱之發欬逆少陰二氣欬逆

按內經所言欬逆者止此他書唯傷寒論欬逆脈散者死又

金匱治欬逆上氣諸方而已似皆指肺金及火為病也活人

書謂欬逆證為極惡仲景所不載孫真人云徧尋方論無此

名遂斷欬逆為噦證而靈樞云噦者穀入于胃胃氣上注於

肺故寒氣與新穀氣俱入于胃新故相亂真邪相攻氣并相

逆復出于胃故為噦注云噦氣作也作偶敵也保命集又以

欬逆為噫噫氣者胸中氣不交也少陰經至胸中交於厥陰

水火相傳而有聲靈樞云噫者寒氣客于胃厥逆從下上復出干胃故為噫注云意象火烟隨焰出心不受邪故噫出之愚謂二說各有其義未知是否而難知力辨朱氏之非其論見後

論傷寒效逆有寒有熱

活人書云效逆者仲景所謂噦是也胃寒所生傷寒本虛攻其熱必噦又云傷寒大吐下之極虛後極汗出者因得噦所以然者胃中寒冷故也橘皮乾姜湯羌活附子散半夏生姜湯退陰散主之不差者灸乳下必愈然亦有陽證者效逆者有潮熱時時噦小柴胡湯橘皮竹茹湯又云傷寒噦而腹滿視其前後何部不利利之愈

按活人書以效逆為噦故今後而以仲景言噦者入于效逆之門縱使仲景言噦非此證而活人論證用藥則是效逆而非嘔噦大抵效逆者多由汗下之後胃虛而作活人以虛作寒治故用諸溫熱之藥然亦有虛而有熱者有實而有熱者所引橘皮竹茹湯未能詳盡也

效逆分陰陽證

畧例云陽證效逆者胃熱失下也陰消將盡陽逆上行使陰不內也為之惡候或兼以舌攣語言不正而反昏胃與咽痛者少陰也速下之宜大承氣湯若陽極脈微將盡者不宜下宜瀉心湯養陰退陽而已涼膈芒硝清肺亦可陰證者內已伏陰陰氣太甚腎水擅權肝氣不生胃火已病丁火又消所有遊行相火

寒邪迫而率集於胸中。亦欲盡也。故令人發熱大渴引飲。并去
蓋覆。病人獨覺熱也。他人按之。身體皆寒。此火即無根之火也。
故用丁香乾姜之類溫胃。其火自下。欬逆乃止。非如陽證以涼
膈瀉心湯。退心火。陰氣乃生。且陰證欬逆。從嘔噦而生。胃寒嘔
噦。不心陽逆繼之也。

按欬逆本由陰氣已虛。陽火暴甚。直衝而上。出于胃入于肺。
而作聲。東垣用涼藥者。所以瀉熱降也。若夫所謂陰證欬逆
者。蓋以陰氣先消。陽火亦竭。浮於胸中。亦欲散也。故不宜用
寒而反以溫藥。養胃留其陽氣。胃氣一和。陽生則陰長之說
也。而此畧例以陽證為失。下用承氣瀉心二藥。分便秘便軟
用之。則可矣。以陰證為陰氣太甚。腎水擅權。寒邪迫火而上。

愚謂腎陰者。盛則火自不安動矣。其所謂寒邪者。未審其指
受外寒耶。內寒耶。還只是虛耶。姑俟明哲。

又按張子和云。火欲上行。為寒邪所遏。寒不勝火。故作聲。此
則是上寒。遏下熱。與外寒鬱內熱之義同。亦與前說不同。
辯欬逆與噦不同。

難知云。夫欬逆證。活人斷為噦逆。其說似是而非。蓋噦者。乾嘔
也。若有物直出。則為吐也。嘔物旋出。則為嘔也。嘔無物出。則為
噦也。欬逆者。或水漬於肺。而心痞。或連續不已。而氣逆。或喜笑
過多。而氣噎。或噤飲而錯喉。而氣搶。或急食乾物。而氣塞。皆能
作欬逆之聲。連續不絕。俗謂之吃忒。是也。大抵欬逆者。不順之
義。吃忒者。差錯之義。二者皆氣不得下。為火熱托之。而使上至。

咽喉中噎而止也。人或以紙撚鼻嚏而止。或詐覓盜賊因恐而止。或鼻熱聞食香調氣而止。皆抑之駭之而使氣下也。千金以欬逆上氣者為病。肺脉散者死。是心火刑于肺金也。是以李氏稱易老云。欬逆者火熱奔急上行而肺金不內。何其當哉。故便秘者大承氣湯下之。便軟者瀉心湯主之。朱氏斷為胃寒。并陽證二法用藥。治噦雖勝。大抵其噦之意。止是氣逆上行似欬逆耳。即非仲景所謂欬逆之本證也。盡噦者出聲也。噦出其氣。噦聲盡然後吸。欬逆者入聲也。抑氣不出。逆聲盡然後呼也。出入呼吸其大不同。兼嘔噦者本於胃。欬逆者本於肺。何其難辨哉。欬逆噦分手足經標本辨。

難知云活人以欬逆為噦。謂若可下之。宜調胃承氣湯。是邪氣

在胃。以斷之為噦。是則然矣。抑不思欬逆者是足陽明失下。傳手太陰。活人但言其火之本。不言其火之標。炎上至極高之分。而欬逆也。合而觀之。噦與欬逆同一熱也。分而言之。噦為本。為膽。為胃。為中。欬逆為標。為心。為肺。為上。若標病應見。止當治標。不必名噦。若言作噦。使後人只見膽胃本。而不見心肺標也。此一說。足是經甲戌而傳手經丁辛也。

按海藏論欬逆與噦二者不同。謂其聲有出入之異。臟腑有肺胃標本之殊。其說充長。但欬逆與噦其氣皆自下而上。嘔噦則直出于口。欬逆則至咽膈吃忒而中止。然後出也。實非有出入之異。

論雜病欬逆皆由病後胃虛所生

三因一云欬逆之病。古人以為噦耳。多因吐利之後。胃中虛寒。遂成此也。亦有胃中虛。膈上熱。噦至八九聲相連。收氣不回者。大抵傷於久病後。老人虛人。及婦人產後。多有此證者。皆病深之候也。必有噦而心下痞悸者。有痰水所為。別無惡候者是。

論云。逆病由陰虛火上。亦有暴病屬實者附。

丹溪云。吃病者。氣逆也。氣自臍下直衝上出於口。而作聲之名也。書曰。火炎上。內經曰。諸逆衝上。皆屬於火。古方悉以胃弱言之。而不及火。且以下香。柿蒂。竹茹。陳皮。等劑治之。未審孰為降火。孰為補虛。人之陰氣。依胃為養。胃土傷損。則木氣侮之矣。此土敗木賊也。陰為人所乘。不得內守。木挾相火乘之。或直衝清道而。言胃弱者。陰弱也。虛之甚也。病人見此。以為危證。然亦

有實者。不丁不知。趙立道年近五十。質弱而多怒。七月炎暑。大飢索飯。其家不能急具。因大怒。兩日後得滯下病。口渴。自以冷水調生。查飲之。甚快。滯下亦漸緩。如此者五七日。予視脉稍大。不數。遂令止。蜜水。渴時且令以人參白朮煎湯。調益元散。與之。滯下亦漸收。七八日後。覺倦甚。發吃。予知其因下久。而陰虛也。令其守前藥。然滯下尚未止。又以煉蜜飲之。如此者三。吃充未止。服皆充藥之未當。將以姜附飲之。予曰。補藥無速效。附子非補陰者。服之必死。眾曰。冷水飲多。得無寒乎。予曰。炎暑如此。陰涼非寒。勿多疑。待以日數。力到當自止。又四日而吃止。滯下亦安。又陳澤仁年近七十。厚味之人也。有久喘病。而作止不常。新秋患滯下。食大減。至五七日後。吃作。召予視脉。皆大豁。眾以

為難。予曰形瘦者尚可為。以人參白朮湯下大補丸以補血。至七日而安。此二人者虛之為也。又一女子年踰笄。性躁味厚。暑月因大怒而吃作。每作則舉身跳動。神昏不知問之。乃知暴病。視其形氣俱實。遂以人參蘆湯飲一椀。大吐頑痰數椀。大汗昏睡。一日而安。人參入于太陰。補陽中之陰者也。蘆則反耳。大瀉手太陰之陽。女子暴怒氣上。肝主怒。肺主氣。經曰怒則氣逆。氣因怒逆。肝脉乘火侮肺。故吃大作而神昏。參蘆善吐痰。盡氣降而火衰。金氣復位。胃氣得和而解矣。

謹按欬逆一證。古方悉作胃寒所致。俱用丁香柿蒂姜附等藥。然此證有虛有實。有火不可專作寒論。蓋傷寒發汗吐下之後。與滯下日久。及婦人產後而有此者。皆陰大虛之為也。

若平人食入太速而氣噎。或飲水喜笑錯喙而氣搶。或因痰水停膈心下。或因暴怒氣逆痰厥。或傷寒熱病失下而有此者。則皆屬實也。夫水性潤下。火氣炎上。今其氣自下衝上而作聲。非火而何。大抵治法。虛則補之。補中須分寒熱。如因汗吐下。誤服寒涼過劑。當以溫而補之。如脾胃陰虛。火逆衝上。當以平而補之。挾熱者涼而補之。若夫實者。如傷寒失下。地道不通。因而欬逆。當以寒下之。如痰飲停蓄心下。或暴怒氣逆。痰厥此等。必形氣俱實。別無惡候。皆當隨其邪之所在。而涌之。泄之。清之。利之也。世醫凡遇此疾。首以丁香柿蒂為言。殊不知此藥不能補虛。不能降火。不能清氣。利痰。唯有溫暖助火而已。豈宜總治斯疾。

欬逆門

治熱之劑

活人橘皮竹茹湯治噦逆嚴氏治吐利後胃虛膈熱而欬逆

橘皮 一升 竹茹 一升半 甘草 二兩炙 人參 半兩

棗子 三箇 生姜 半兩

右剉以水一斗煮服取三升去滓溫服一升日三服

按此出太陰嘔噦例藥也姜棗參橘亦是溫藥故三因云此

治胃中虛冷但以此藥比之姜桂丁香則性平故從嚴氏入

治熱之劑

小柴胡湯治陽證欬逆

方見寒門

難知大承氣湯治欬逆大便秘者

瀉心湯治欬逆大便軟利者

方見心下痞門

治寒之劑

半夏生姜湯治噦欲死

半夏 洗兩錢 生姜 一兩切

右水二盞煎八分分作二服

橘皮乾姜湯治噦

橘皮

通草

乾姜

桂心

甘草炙各兩 人參 兩

右剉每服四錢水煎溫服日三次

按已上二方並太陰嘔噦例藥也

三因丁香散治效逆

丁香

柿蒂 各錢 甘草炙

良姜 各半錢

右為末熱湯點二錢來熱服不拘時

嚴氏柿蒂湯治胸滿效逆不止

柿蒂

丁香 各兩

右呖咀四錢姜五片煎家珍有人參一味寶鑑有青陳皮一味並各等分為末水煎服

按已上二方並太陰陽明經藥也

活人羌活附子散治效逆嚴氏治吐利後胃寒效逆

羌活

附子炮

茴香微炒各半兩 木香

乾姜 各一兩許大

右細末每服一錢水一盞鹽一捻同煎熱服

三因方丁香作丁香

按此太陽少陰太陰經藥也

本事方治陰毒效逆

川烏頭

乾姜炮

附子炮

肉桂

芍藥

甘草炙

半夏

吳茱萸

陳皮

大黃

右等分為細末每服一錢姜五片煎去濁渣取清熱服
按此三陰經藥也

補虛之劑

寶鑑及甘草湯治許伯威中氣本弱病傷寒八九日醫見其熱甚以涼藥下之又食梨三枚痛傷脾胃四肢冷時發昏慣其脉動而中止有時自還乃結脉也心亦悸動吃逆不絕色變青黃精神減少目不欲開蹇卧惡人語以此藥治之

甘草炙

生姜

桂枝

人參

生地黄

阿膠

麥門冬

麻子仁

大棗

成無已云補可以去弱人參大棗之甘以補不足之氣桂枝

生姜之辛以益正氣五臟痿弱榮衛涸流濕劑所以潤之麻仁阿膠麥門冬地黄之甘潤經益血復脉通心也加以人參桂枝急扶正氣生地黄減半恐傷陽氣剉一兩服之其證減半再服而安


按此心肺藥也

謹按效逆諸方古方唯有治寒之劑至於補虛降火養陰之藥及治痰氣厥逆之法皆未詳也學者自宜隨證用之

灸法

嚴氏云效逆治法婦人屈乳頭向下盡處骨間是穴丈夫及乳小者以一指為率正男左女右與乳相直間陷中動脉處是穴又炷如小豆許灸三壯

卷二十六



Multiple columns of vertical text, likely bleed-through from the reverse side of the page. The text is faint and difficult to read due to the watermark and the quality of the scan. Some characters are visible, such as '一' and '二' in the rightmost column.

